

ՎԼԱԴԻՄԻՐ ԲԱՐԽՈՒԴԱՐՅԱՆ
(ծննդյան 60 ամյակի առթիվ)

Լրացավ Հայկական ՍՍՀ գիտությունների ակադեմիայի թղթակից անդամ, պատմական գիտությունների դոկտոր, պրոֆեսոր, նայ ժողովրդի նոր շրջանի և մասնավորապես հայ-առաջնորդությունների ու հայկական գաղթավայրերի պատմության նշանավոր մասնագետ Վլադիմիր Բարխուդյանի ծննդյան վաթսուներե տարին:



Վ. Բարխուդյանը ծնվել է 1927 թ. Վրացական ՍՍՀ Մանենուի շրջանի Ախիյորփի գյուղում, ուր և ստացել է միջնակարգ կրթությունը: 1945 թ. Վ. Բարխուդյանը ընդունվում է Երևանի պետական համալսարանի պատմության ֆակուլտետ, որն ավարտում է 1950 թ.: 1950—1954 թթ. նա շարունակում է իր ուսումնառությունը ՀՍՍՀ ԳԱ պատմության ինստիտուտի ասպիրանտուրայում՝ մասնագիտանալով նայ ժողովրդի միջնադարյան պատմության հարցերի գծով և 1954 թ. հաջողությամբ պաշտպանում թեկնածուական դիսերտացիա՝ «Ֆեոդալական հողատիրությունը Հայաստանում IX—XI դարերում» թեմայով: 1955 թ. Վ. Բարխուդյանը աշխատանքի է անցնում պատմության բան-գարանում, 1958 թ. փոխադրվում է ՀՍՍՀ ԳԱ պատմության ինստիտուտ, որտեղ հաջորդաբար զբաղեցնում է գիտական ֆակուլտետի, ավագ գիտաշխատողի, իսկ 1967 թ. առաջօր՝ ինստիտուտի դիրեկտորի գիտական գծով տեղակալի պաշտոնը: Միաժամանակ Վ. Բարխուդյանը 1980 թ. համառոտագրության կարգով աշխա-

տում է որպես հայկական գաղթավայրերի պատմության բաժնի վարիչ:

Գաղթավայրերի և հատկապես հայ ժողովրդի նոր և նորագույն շրջանի, ուստիսայ գաղթավայրերի պատմությունը եղել է Վ. Բարխուդյանի երեք տասնամյակի գիտական շահագրգռությունների հիմնական թեման: Նրա «Նոր Նախիջևանի հայկական գաղթի պատմությունը» (Երևան, 1967, 1985 թթ.) երկնառոր ուսումնասիրությունը լուրջ ներդրում է սովետական պատմագիտության մեջ: Աղբյուրագիտական հարուստ և կայուն հիմքի, գերազանցապես Սովետական Միության տարբեր ֆաղաֆների (Նեինգրադ, Մոսկվա, Ռուստով, Օդեսա, Երևան) արխիվների նյութերի հիման վրա, որոնց մեծ մասը առաջին անգամ է դրվել շրջանառության մեջ, նա: ստեղծել է գիտականորեն բարձրարժեք մի աշխատություն, որը կարող է օրինակ ծառայել ուստիսայ գաղթավայրերի ուսումնասիրության համար ընդհանրապես: Հեղինակը հայկական գաղթի ամբողջական պատմությունը իրավացիորեն ներկայացրել է Ռուսաստանի և հայ իրականության 18—20-րդ դդ. պատմության, հատկապես հասարակական-ֆաղաֆական ու մշակութային կյանքի: յլխավոր իրադարձությունների փոխառնչությունների ոլորտում: Տնտեսության տարբեր ճյուղերում Դռնի հայության գործունեության մանրագրին հետազոտման հիման վրա ցույց է տրվել հայկական գաղթի դերը Հարավային Ռուսաստանի տնտեսական կյանքում: Գրքում բացահայտվում են հորատությունից գերծ մնացած Նոր Նախիջևանի և ամբողջ երկրամասի ֆեոդալիզմի՝ նոր հասարակարգին՝ կապիտալիզմին անցնելու յուրահատկությունները: Հիմնավոր կերպով լուսարանվել է նոր Նախիջևանի կառարած դերը հայ և ուս ժողովուրդների փոխանաշման և մերձեցման գործում, ապա՝ ընդգծվել այն իրողությունը, որ հայկական գաղթի ոչ միայն կամրջել ու փոխադարձաբար տարածել է ուսական և հայկական հասարակական մաֆի ու մշակույթի նվաճումները, այլև Լղել է հայ մտավոր կյանքի ու մշակույթի զարգացման նշանավոր կենտրոն:

Առաջին հաառր. որն ընդգրկում է գաղութի հիմնադրման (1779 թ.) և հրա հնաագա բարգավաճման շուրջ 80-ամյա պատմության հարցերը, սկսվում է զրիմանայների գաղթի նկարագրությունից: Հնդկակը ցույց է տալիս. որ XVIII դարի վերջերին ուստական կառավարությունը, ելնելով իր ռազմադաճական և տնտեսական շահերից, որոշեց երկրի հարավի համարյա անմարդաբնակ տափաստանները բնակեցնել Բրիտանյաններով: Այդ նպատակով նա 1778 թ. կազմակերպեց Ղրիմի թերակղզու հայ և հույն բնակչության արտագաղթը: Ղրիմանայները հանգրվանեցին Դոն գետի ափին, հիմնեցին Նոր Նախիջևան քաղաքը և Զալբուր, Քոփուի, Մեծ Սալա, Սուլթան Սալա, Նեպիտա գյուղերը, 1779 թ. նոյեմբերի 14-ի հրովարտակով ներգաղթողներին մեծ արտոնություններ տրվեցին:

Վերլուծելով իրավադաճական ու տնտեսական քառնեղատ պայմանները, Վ. Բարխուդարյանը ցույց է տալիս, որ հուղային ընդարձակ տարածություններ ձեռք բերելու շնորհիվ Դոնի հայերը չնեխան առաջադիմեցին և տնտեսապես ամրացան, որ նույնիսկ Ռուսաստանի կազմում կիսաօտիճնաւորւյն միավոր դառնալու հույսեր փայփայեցին: Այդպիսի պատրանքների համար հիմք էր հանդիսանում Ռուսաստանի քաղաքականությունը հայերի նկատմամբ, մանավանդ, որ օրուկարում դրված էր Անդրկովկասը Ռուսաստանին միացնելու հարցը, ուստի և Դոնի հայերի ու Բրիտանյանների նկատմամբ ուստական արմունքի կողմից հովանավորելու դիմ էր տարվում:

Գաղութի վիճակը փոփոխվում է 1861 թ. գյուղացիական ռեֆորմից հետո, որից և սկսվում է երկրորդ հաառրի պատմությունը: Չնայած իր սահմանափակ բնույթին, 1861 թ. ռեֆորմը զգալի փոփոխություններ առաջացրեց Ռուսաստանի տնտեսական կյանքում, իսկ 1860—70-ական թվականներին քառնփոխումներով փորձ էր արվում ամրաղջ երկրում հաստատել միասնական վարչարարական կարգ: Անդրադառնալով նոր ստեղծված իրադրությանը, Վ. Բարխուդարյանը նախաձեռնում է, որ կապիտալիզմի զարգացումը, առանձին արգելի միջև տնտեսական կապերի սերտացումը, հասարակական կյանքի աշխուժացումը իրենց հետ բերում էին համահարմարման ընդհանուր արմամարություններ: 1860-ական թվականների ընթացքում աստիճանաբար սկսվում են սահմանափակվել գաղութի առանձնաշնորհումները, այդ թվում և հաղատարածությունները: 1870 թ. վերացվում է Նոր Նախիջևանի ինքնավարությունը՝ մագիստրատը: Մոտ 60 հազար բնակչություն ունեցող հայկական գաղութը, որից 40 հազարը միայն Նոր Նախիջևանում էր բնակվում, հեղադրամբ չէր համաձայնվում իր արտոնությունների սահմանափակման հետ: Սկսվում է ներքին մի ընդդիմադրություն, չնայած այն համախոսականներից ու քառնագույն առյուծներին արվող դիմումներից այն կողմ չէր անցնում: Նորնախիջևանցիները, հատկապես նա առաջավոր մտավորականությունը, աշխատում է ազգապահպանման նոր կովաններ որոնել և օրինականության սահմաններում ծավալել ժողովրդապատ գործունեություն: Բացվում են նոր կանոնավոր հայալեզու դպրոցներ, հիմնվում քառնագործական հաստատություններ, տկումը, անկեղանցներ, աղատախնամ ընկերություններ, եկեղեցական հազարաթուրություն ընդլայնում է իր իրավունքները: Գաղութը փորձում է փոփոխված իրադրության մեջ պահպանել իր ինքնուրույնությունը, իր հոգևոր-մշակութային անկախությունը և որոշ չափով այդ նաեւ հաղղվում է: Նոր Նախիջևանում առաջացել էր ուժեղ, եռանդաշատ, ազգային-մշակութային հարցերում նախանձախնդիր մտավորականություն, որի գործունեության շառավիղը տարածվում էր ոչ միայն ռուսահայ գաղութների, այլև Անդրկովկասի հայության վրա:

Բացի իրավական խնդիրներից, մեղադրության մեջ զգալի տեղ է հատկացված նաև սոցիալ-տնտեսական հարաբերությունների և գաղութի ներում դասակարգային պայքարի հարցերի լուսարանությունը, ցույց է քրվում, որ Դոնի հայությունը միատարր զանգված չէր: Կապիտալիստական հարաբերությունների անկաշկանդ զարգացման շնորհիվ հասարակության տարբեր րևններում առաջացան հակամարտ հասարակական ուժեր: Հայտնի էին այն րախումները, որ առավել 1850-ական թվականներին Միխայիլ Նալբանդյանի գլխավորությամբ դիմադրատական հասարակաշրտերը մղում էին գաղութի կղեր-աղայական ռեակցիայի դեմ: Հասարակության հասունացման արտահայտություններից մեկն էլ այն էր, որ նորնախիջևանցիները ակտիվորեն մասնակցեցին Ռուսաստանում 1870-ական թվականներին ծավալված քաղաքական շարժումներին: Հատկապես Հարավային Ռուսաստանում լայն ծավալ ստացած հեղափոխական նարողնիկական խմբակների Դոնի հայ երիտասարդությունը մեծ մասնակցություն բերեց: Լայն արձագանք գտավ Նոր Նախիջևանի հայության շրջանում Ռուսաստանյան առաջին րուրժուա-դիմադրատական հեղափոխությունը: Հոկտեմբերյան սոցիալիստական մեծ հեղափոխության և քաղաքացիական պատերազմի տարիներին Դոնի հայության աշխատավոր զանգվածները զենքի ձեռքներին արարելու էին օսկետական կարգերի հաստատման համար:

Վ. Բարխուդարյանը այլ աշխատություններում անդրադարձել է հայ ժողովրդի առևանակ կողմնորոշման, Ռուսաստանի ներքին և արևելյան Հայաստանի միացման, XX դարի սկզբին Հայաստանում ծավալված հեղափոխական շարժումների պատմության հարցերին: Նրա մի շարք աշխատանքներ նվիրված են սովետական պատմագիտության ու նրա հետագա զարգացման, ինչպես նաև XVIII դ. վերջին հայկական ազատագրական շարժումների գաղափարախոսության խնդիրներին: Սույն հարցերին վերաբերող կանկրետ բեմաներով նա զեկուցումներով հանդես է եկել համամիութենական (Նոբելյան 1980 թ., Դնեպրոպետրովսկ 1984 թ., Վարշիլովգրադ 1985 թ., Լվով 1987 թ.) գիտական կոնֆերանսներում:

Ավելի քան երկու տասնամյակ լինելով պատմության ինստիտուտի դիրեկտորի գիտական աշխատանքների գծով տեղակալը, Վ. Բարխուդարյանը զործուն մասնակցություն է ունեցել հայ ժողովրդի պատմության բազմաճյուղային ստեղծմանը: Նա 4-րդ հատորի խմբագրի տեղակալ և բազմաթիվ հոդվածների հեղինակ լինելուց բացի, ամբողջ ութհատորյակի պատրաստման գործում գիտա-կազմակերպական լուրջ աշխատանք է անել:

Վ. Բարխուդարյանի զործուն մասնակցությամբ Դոնի Ռուսավանդ (Նոր Նախիչևան), Նախկին և հայ նշանավոր վանքի շենքում, ստեղծվել է հայ-առևանակ բարեկամության բանգարան: Վ. Բարխուդարյանի անմիջական ղեկավարությամբ և խմբագրությամբ հրատարակել են հայկական ՀՍՍՀ ԳԱ և ՀԺՀ ԳԱ հասարակագիտության համատեղ ուժերով ստեղծված «Հայ-հունգարական պատմական և մշակութային կապերի պատմություն» (Երևան, 1983 թ.) հոդվածների ժողովածուն, որը բարձր գնահատության արժանացավ սովետական և հունգարական մամուլում:

Վ. Բարխուդարյանը ակտիվ մասնակցություն է ունենում հանրագիտության պատմագիտական կյանքին: Նա ԳԱ հնագիտության և ազգագրության ինստիտուտի, Մ. Մաշտոցի անվան հին ձեռագրերի գիտահետազոտական ինստիտուտի (Մատենադարան), ՀՍՍՀ կուլտուրայի մինիստրության պատմության բանգարանի, ՀՍՍՀ Միևիստորների խորհրդին առընթեր պատմության և մշակույթի հուշարձանների պահպանության ու օգտագործման վարչության գիտական խորհուրդների, «Բանբեր Հայաստանի արխիվներին» ամսագրի խմբագրական կոլեգիայի անդամ է: Նա զործուն աշակցություն է հանդես բերում երիտասարդ կադրերի պատրաստման ու դաստիարակմանը՝ իրականացնելով ինստիտուտի երիտասարդ գիտաշխատողների խորհրդի, ասպիրանտների, հայցվարների հետ տարվող աշխատանքների ընդհանուր ղեկավարումը:

ՀՍՍՀ ԳԱ բոլորակից անդամ Վ. Բարխուդարյանն այսօր գտնվում է իր գիտական կյանքի թագավոր հասուն շրջանում և գիտական հասարակայնությունը նրանից նորանոր սպասելիքներ ունի: Ծանկանք Վ. Բարխուդարյանին՝ բարյացակամ, ընդառաջող մարդուն, ազնիվ քաղաքացուն, սկզբունքային և անաչառ գիտնականին, երկար տարիների կյանք և փառապաշտության:

ՅԱՍԻՆ ԶԱՄԲԱՐՑԱՆ

պատմական գիտությունների դոկտոր

ԳԵՐԵՆԻԿ ՄՈՒՐԱԴՅԱՆ

պատմական գիտությունների բեկնածու